

## Esekiel

Propete Esekiel gêmoa nom gêdêñ tañ sesen malac Jerusalem su gêdêñ jala 586 gêmun Kilisi gêmêñ nomña nañ. En gêjam sakin lau, tañ sêngôn kapoacwalô anga Babilon to êsêac, tañ sêngôn Jerusalem nañ. Buku tau gêwa tau kêkôc gêja ñasêbu aclê gebe

1. Mòkêlatu 1–24 Propete kêkêñ puc nê lau gebe ñacjo oc sêku Jerusalem tulu ma sensen malac tau su ênaña.
2. Mòkêlatu 25–32 Apômtau kêkêñ jaen gebe êmêtôc lau-m toê-toê, tañ sêkônin ênê lau to sêwê êsêac seogen nañ.
3. Mòkêlatu 33–39 Gêdêñ tañ Jerusalem gêjaña su nañ, Apômtau gêjac nê lau têtac tôn to gêjac mata gêdêñ êsêac gebe êmoasin êsêac êndên têm, tañ gêc nêmña nañ.
4. Mòkêlatu 40–48 Esekiel gêlic lôm dabun wakuc to ñagêñlêlôm ma gêwa Judawaganêñ lau-m wakuc sa amboac tonanjen.

Esekiel kêkêñ gêwiñ ñanô ma gêlic ñakatu taêsam gêc nê ñalêlôm. En gêlic ñakatu tau gêdêñ tañ nê katu kain ten kêsanañ. Ma en gêwa nê jaen taêsam sa ña dôñ, tañ gêjam nañ. Esekiel kêkac lau gebe sênam taun ôkwi e nêñ ñalêlôm êtu wakuc ma en gêlêñ bin tamenji gebe sejop nêñ latunji ñapep. En kêsôm lasê gebe kêkêñ mata lau sênam taun ôkwiña e nêñ lêñ êtu wakuc. Esekiel en propetegen atom, en dabunwaga amboac tonanjen. Kêtu tonanña en taê kêka ñanô gebe lôm dabun êtu wakuc ma lau sêmansañ taun e têtû lau dabun.

### *Anôtônê lêpôn*

<sup>1</sup> Gêdêñ jala kêtú 30 ñaajôn kêtú aclê ma ñabêc kêtú lemeñ teñ aê gamoa gawiñ lau kapoacwalôña anğa bu Kebar ñatali. Gêdêñ tonañ undambê gêña ma galic ñakatu, tañ Anôtô gêsun gêdêñ aê nañ.

<sup>2</sup> Gêdêñ ajôn tau ñabêc kêtú lemeñ teñ tonañ kin Jehoiakin gêngôn kapoacwalô ñajala kêtú lemeñ teñ su <sup>3</sup> ma Apômtau kêsôm gêdêñ Busi latu aê, dabunwaga Esekiel, anğa bu Kebar, tañ kêpoac Kaldeanêñ gamêñ nañ. Ma Apômtaunê ñaclai mênğêjam aê auc.

<sup>4</sup> Aê gaôc matoc sa ma galic mu gêbuc ñatêna sec, tañ gêmêñ anğa gamêñ gêmu kêsêpña (nodoña) totao kapôêñanô, tañ ñawasi kêkôm aê auc to ja kêpêlan kêsá gêmêñ ñapan nañ. Ma anğa ja tau ñalêlôm aê galic amboac bras ñamondec-mondec.

<sup>5</sup> Anğa mutêna tau ñalêlôm aê galic ñakatu amboac gêñ mateñ jali aclê, tañ ñakatu amboac ñamalac.

<sup>6</sup> Êsêac samob nêñ lañônânô aclê-aclê to ñamagê aclê-aclê kêtômgen. <sup>7</sup> Êsêac enkain solop ma galic enpoap amboac bulimakao kapoac nêñ ma ñawasi to ñaôsic-ôsic amboac bras. <sup>8</sup> Êsêac lemeñ kêtôm ñamalacnêñ ma kêsá anğa nêñ ñamagê aclê-aclê ñakasunlabu. Ma êsêac lañônânô to nêñ ñamagê amboac tonec gebe <sup>9</sup> Nêñ ñamagê luagêc gêlam e ñatêpôê kêmoasac tau ma êsêac embe sêsêlêñ, go sêkac taun ôkwi-ôkwi teñ atom, sêsêlêñ solopgen sêja.

<sup>10</sup> Êsêacnêñ lañônânô ñakatu amboac tonec gebe Êsêac samob nêñ lañônânô, tañ gêc nêmmña nañ, ñakatu amboac ñamalac. Lañônânô anôña amboac lewe ma lañônânô gasêña amboac bulimakao to lañônânô dêmôemuña amboac mom-

boan̄. <sup>11</sup> Êsêac sêlam nêṅ ṅamagê luagêc-luagêc gêmu kêpi e sêmoasac tau. Ma êsêac sêkwa ôlin̄ auc ṅa nêṅ ṅamagê luagêc-luagêc ṅagêdô. <sup>12</sup> Ma samob sêsêlêṅ solopgeṅ sêja kêtôm ṅalau gêjam gôlin̄ êsêac ma sêkac tauṅ ôkwi teṅ atom.

<sup>13</sup> An̄ga gêṅ maten̄ jali tonan̄ ṅalêlôm gêṅ teṅ gêc, taṅ galic amboac ja ṅalana kêtôm dawen̄ ṅawê ṅaoleb-oleb kêsa. Ja tau ṅawê kain̄ teṅ ma ôsic kêkac an̄ga ja tau kêsa gêmêṅ. <sup>14</sup> Ma gêṅ maten̄ jali tau sêlêti sêja sêmêṅ—sêja sêmêṅ eb tagen̄ amboac ôsic kêkac.

<sup>15</sup> Gêdêṅ taṅ aê kasala gêṅ maten̄ jali tonan̄ nan̄, aê galic wil aclê sêkô nom, wil tau tagen̄-tagen̄ kêtôm êsêacgeṅ. <sup>16</sup> Wil aclê tonan̄ kêtôm taugen̄, ṅawasi amboac pocawa. Kêtôm wilgeṅ wil teṅ gêjac keso ṅalêlômgeṅ. <sup>17</sup> Embe sêsêlêṅ sêna gamêṅ tônê me ônê, oc sêsêlêṅ solopgeṅ sêna, sêkac tauṅ ôkwi-ôkwi atom. <sup>18</sup> Ma maten̄anô gêjam wil samob ṅatali aucgeṅ. <sup>19</sup> Ma gêṅ maten̄ jali aclê tau embe sêsêlêṅ, go wil sêsêlêṅ sêwiṅ êsêac. Ma gêṅ maten̄ jali embe sêôn̄ sa sêpi an̄ga nom, go wil sêôn̄ sa amboac tonan̄geṅ. <sup>20</sup> Gêṅ maten̄ jali aclê sêsêlêṅ kêtôm nêṅ ṅalau têtac gêwiṅ ma wil dêdi sêwiṅ êsêacgeṅ gebe gêṅ maten̄ jali nêṅ ṅalau gêjam gôlin̄ wil amboac tonan̄. <sup>21</sup> Amboac tonan̄ têm samob nan̄ gêṅ maten̄ jali tauṅ embe sêsêlêṅ, go wil sêsêlêṅ. Embe sêkô, go wil sêkô. Embe sêôn̄ sa, go wil sêôn̄ sa amboac tonan̄geṅ gebe gêṅ maten̄ jali nêṅ ṅalau gêjam gôlin̄ wil.

<sup>22</sup> An̄ga gêṅ maten̄ jali môkêṅapac lôlôc gêṅ teṅ gêc, taṅ galic amboac umbon̄ ṅawasi amboac glas kain̄ teṅ, ṅaê kristal. <sup>23</sup> An̄ga umbon̄ ṅalabu gêṅ

matenj jali tauj sêkô ma sêmêtôc nêj ñamagê luagêc kêtômgenj e tenj nê kêmomasac êsêagêc, tanj sêkô enj makenj-makenj nanj nêj. Ma êsêac sêkwa nêj ôlinj auc ña nêj ñamagê luagêc ñagêdô. <sup>24</sup> Gêdênj tanj sêsêlênj nanj, aê ganjô nêj ñamagê ñakicsêa amboac bu kapôênj ñakicsêa ma amboac Apômtau ñaclai ñatau nê awa to gamênj ñadindinj amboac sinwaga tonj kapôênj nêj ñadindinj. Gêdênj tanj sêkô ñanjênj nanj, sêgasunj nêj ñamagê <sup>25</sup> Mago awa tenj kêsa anja umbonj, tanj gêc êsêac môkênjapac ñaôña nanj ñapanjenj.

<sup>26</sup> Ma anja umbonj, tanj gêc êsêac môkênjapac ñaôña nanj, ñamakenj aê galic gênj tenj amboac lêpônj sapir majanj-majanña ma ñakatu tenj amboac ñamalac gêngônj lêpônj tau ñaô. <sup>27</sup> Ma galic ñakatu tau ñamakenj ñaôña ñawasi amboac bras ñamondecmondec ma ñamakenj ñalabuña amboac ja ñawaô. Ma ñawê ñawasi kainj tenj kêkôm ñakatu samucgenj auc. <sup>28</sup> Ma ñawê ñawasi tau kêtôm kasômbuc, tanj kêkô tao ñalêlôm nanj. Apômtaunê ñawasi ñakatu tau tonanj.

*Apômtau kêkalem Esekiel gebe êtu propete tenj*

Aê galic ma gau tauc gaêc lanjôcanô gêdênj nom ma ganjô awa tenj, tanj kêsôm binj nanj.

## 2

<sup>1</sup> Ma enj kêsôm gêdênj aê gebe “Ñamalac latu, ôndi sa. Aê gabe jasôm binj êndênj aôm.” <sup>2</sup> Gêdênj tanj awa kêsôm binj gêmoa nanj, Apômtau nê ñalau kêsêp aênjoc ñalêlôm gêja ma gêôc aê sa jakakô ma aê ganjô awa tau kêsôm binj gebe <sup>3</sup> “O ñamalac latu, aê gabe jasakiñ aôm ôndênj lau Israel. Êsêac to nêj mimi sêli tauj sa to sêbuc dêmôênj aê e mênjgêdênj galoc.

<sup>4</sup> Êsêac gêsuntêkwa ñatorj to tetoc aê sa atom. Aê jasakinj aôm ôndêj êsêac ôna gebe ôsôm êndêj êsêac gebe Apômtaunê binj tau tonec. <sup>5</sup> Êsêac lau tonj teñ, tañ sêli tauñ sa ñasec, tec êsêac sêkêj tañej me sêkêj tañej atom, mago êsêac sêjala gebe propete teñ gêmoa êsêac ñalêlôm.

<sup>6</sup> “Ñamalac latu, aôm ôtêc êsêac to nêj binj atom. Gêj ñatêkwa to locgôm oc sêkôm aôm auc ma ôngônj alidêbu ñaô, mago ôtêc êsêacnêj binj to nêj lañôñsiboa atom gebe êsêac lau tonj teñ, tañ sêli tauñ sa ñasec nañ. <sup>7</sup> Aôm ôsôm ñoc binj êndêj lau tonj teñ, tañ sêli tauñ sa ñasec nañ, êsêac sêkêj tañej me sêkêj tañej atom.

<sup>8</sup> “Ñamalac latu, aôm ôkêj tañam binj, tañ aê gabe jasôm êndêj aôm nañ. Ôli taôm sa êtôm êsêac atom. Ôña awamsuj ma ôniñ gêj, tañ aê gabe jakêj êndêj aôm nañ.” <sup>9</sup> Go aê galic lêma teñ, tañ kêmêgôm papia toluj teñ nañ, kêmêtôc tau gêdêj aê. <sup>10</sup> Ma lêma tau kêlainj papia tau ma galic teto binj tañiboanja to binj ijoc ma binj ojaeña kêsêp makeñ-makeñ.

### 3

<sup>1</sup> Go Anôtô kêsôm gêdêj aê gebe “Ñamalac latu, ôniñ gêj, tañ gêc aôm lañômnêmña nañ, ôniñ papia toluj tonaj, go ôna ma ôsôm binj andêj lau Israel.”

<sup>2</sup> Amboac tonaj aê gaña aocsuj ma eñ kêkêj luñ tau gêdêj aê gebe janiñ. <sup>3</sup> Ma eñ kasôm gebe “Ñamalac latu, ôniñ papia tec kakêj gêdêj aôm nec e ênam têmtacsêga auc.” Aa gaenj gêj tau ma kasaê ñakana kêtôm lap.

4 Go Anôtô kasôm gebe “Namalac latu, ôndênj lau Israel ôna ma ôsôm njoc binj lasê êndênj êsêac. 5 Aê jasakinj aôm ôndênj lau toawenj talô ma toawenj njawapac nec atom, jasakinj aôm ôndênj lau Israelgenj. 6 Aê jasakinj aôm ôndênj lau-m njagêdô, tanj sêsôm awenj jaba, tanj aôm gônjô atom nanj atom amboac tonanjenj. Embe jasakinj aôm ôndênj lau-m amboac tonanjenj, oc sêkênj tanjenj aôm awam. 7 Mago lau Israel oc sêkênj tanjenj aôm awam atom gebe êsêac dedec gebe sêkênj tanjenj aê aoc. Binj tonanjenj njam gebe lau Israel samob gêsunjtêkwa njatonj ma nanj njalêlôm njadani. 8 Ôlic acgom, galoc aê janjôm aôm lanjômsiboa atôm êsêacnênj ma têmbêlam njajanja êtôm êsêac tenjbelej. 9 Binjanô, aê kakênj aôm têmbêlam njajanja kêtôm pocawa kainj tenj diamand su. Ôtêc êsêac atom ma êsêac lanjônjsiboa êtakê aôm atom gebe êsêac lau tonjenj, tanj sêli taujenj sa njasec nanjenj.”

10 Go Anôtô kêsôm binj tonec gêwinjenj gebe “Namalac latu, binj samob, tanj jasôm êndênj aôm nanjenj, ênêc nêmbêlôm ma ôkênj tanjam aê aoc tau. 11 Gocgo ôndênj nêmbêlôm lau, tanj sênjônj kapoacwalô nanjenj, ôna ma ôsôm êndênj êsêac, tanj sêkênj tanjenj me sêkênj tanjenj atom gebe ‘Apômtaunê binj tau tonec.’ ”

12 Go Anôtônê Njalau kêsip aê sa ma gêdênj tanj Apômtau tonjawasi gêdi nanjenj, aê ganjô ôjô gêjam njakicsêa kapôênj anja aê dêmbêcnuja. 13 Njakicsêa tau njam kêsêp gênj matenjenj jali sêkac njamagê kêpi tau ma wil kêsêlênjenj gêwinjenj êsêac. Ma njakicsêa tau tonanjenj kêtôm ôjô njakicsêa. 14 Go njalau kêsip aê sa ma kêkôc aê gêc gêja. Ma aê gaêc gaja tonjaclaigenjenj e njalêlôm kêpuc aê ma Apômtaunê lêma kêkôninjenj aê

ņanôgeņ. <sup>15</sup> Tec aê gaô lasê lau kapoacwalôņa, taņ sêņgôn malac Tel Abib aņga bu Kebar ņatali naņ. Aê gaņgôn êsêac ņalêlôm bêc 7 toņoc ņalêlôm gêmô aêgeņ kêtū gêņ, taņ galic to gaņô naņ.

*Apômtau kêkêņ Esekiel kêtū dibwaga teņ*

<sup>16</sup> Gêdêņ taņ bêc 7 gêjaņa naņ, Apômtau kêsôm biņ gêdêņ aê. <sup>17</sup> Eņ kêsôm gebe “ņamalac latu, aê kakêņ aôm kôtu dibwaga lau Israelņa. Êndêņ taņ ôņô biņ êsa aocsuņ, naņ naôkêņ puc êsêac ônam aê laņôc. <sup>18</sup> Aê embe jasôm êndêņ ņac alôb-alôb teņ gebe eņ oc êmac êndu, mago aôm embe ôkêņ puc to ôsôm biņ êndêņ eņ e êwi nê lêņ sec siņ ma êmoa mata jali nec atom, oc ņac alôb-alôb êmac êndu êtu nê secņa, mago aôm oc ôwê ênê dec ņakaiņ. <sup>19</sup> Mago aôm embe ôkêņ puc ņac alôb-alôb ma eņ êwi siņ atom to ênam tau ôkwi aņga nê lêņ sec atom, go eņ oc êmac êndu amboac ņac alôb-alôb, mago aôm gôjam taôm kêsi.

<sup>20</sup> “Ma teņ. ņac gêdêņ teņ embe êwi nê lêņ gêdêņ siņ ma êņgôm sec ma aê jakêņ eņ êka selelec, eņ oc êmac êndu, gebe aôm kôkêņ puc eņ atom, tec eņ êmac êndu êtu ênê secņa. Aê oc taêc ênam nê kolenņajam, taņ eņ gêgôm naņ, êtiam atom. Mago aôm oc ôwê nê dec ņakaiņ. <sup>21</sup> Mago aôm embe ôkêņ puc ņac gêdêņ teņ gebe êņgôm sec atom ma eņ embe endec sec, naņgo êmoa mata jali gebe eņ kêkêņ taņa nêmu puc ma aôm oc ônam taôm katôm kêsi amboac tonanņeņ.”

*Esekiel oc êtôm gebe êsôm biņ atom*

<sup>22</sup> Ma Apômtau lêma gêsac aê ma eņ kêsôm gêdêņ aê gebe “Ôndi sa ma ôsa gaboaņ ôna. Aê gabe jasôm biņ êndêņ aôm aņga tônê.”

<sup>23</sup> Amboac tonañ aê kasa gaboañ gaja ma ança tonañ aê galic Apômtaunê ñawasi kêtôm aê galic su ança bu Kebar ñatali. Aê gau tauc lanjôcanô gêdên nom, <sup>24</sup> mago Apômtaunê Ñalau gêjam aênoc ñalêlôm auc. Ma Apômtau kêsôm gêdên aê gebe “Naôsô nêmandu ma ôlai katam auc. <sup>25</sup> O ñamalac latu, oc sêsô aôm tôn ña lêpoa ma aôm ôtôm gebe ôsa awê ôndên lau atom. <sup>26</sup> Ma aê gabe jakên imbêlam êsap lômboam tôn gebe awammê êsa ma ôtôm gebe ônac binjsu êsêac atom gebe êsêac lau ton ten, tan sêli tauñ sa sec nan. <sup>27</sup> Mago êndên tan jasôm bin êndên aôm nan, jandelec awamsun, go aôm ôsôm êndên êsêac gebe ‘Apômtau Anôtô nê bin tonec’. Ñac tan êkên tan nan, êñô bin tau. Ñac tan endec nan, endecgen gebe êsêac lau ton ten, tan sêli tauñ sa sec nan.”

4:1–17:24 Apômtaunê jaen ñagêdô, tan Esekiel geoc lasê nan, kêsêp ñasêbu tonec. Anôtônê bin kêkanôn Jerusalem, tan ñacjo oc senseñ su nan, ma lau, tan ñacjo oc sêwê êsêac nasênğôn kapoacwalô nan. Propete gêwa bin ñawapac ñam sa amboac tonañ. Ñam kêsêp launên sakin gwamña to nêñ sec.

## 18

### *Lau samob sêwê nêñ bin ñakain êndên-êndêngeñ*

<sup>1</sup> Apômtau kêsôm bin gêdên aê gebe <sup>2</sup> “Ança gamên Israel amac asôm-asôm binğôlin lanğwa tonec gebe

‘Tamenj sen wain ñanô matac ma latunj lunlun sinj-sinj.’  
nan ñam amboac ondoc.”



<sup>3</sup> Apômtau kêsôm gebe “Aê gamoa matoc jali, tec jasôm êtu tôñ gebe sêsôm bingôlinj tonañ anja Israel étiam atomanô. <sup>4</sup> Ôlic acgom, aê katu lau samob katunj ñatau. Aê katu tama katu ñatau to latu katu ñatau amboac tonañgenj ma ñac, tañ êñgôm sec nanj, êmac êndu.

<sup>5</sup> “Ñac gêdêñj êsap biñsu tôñ ma êsa nê lêñ ñañêñgenj. <sup>6</sup> Eñ êniñj gêñ anja anôtôi jaba nêñ gamêñj ñabau to êôc mataanô sa êndêñj Israelnêñ gwam atom ma êñgôm gêñ mockaiñña êndêñj nê ñac jabanj eñ nê awê ma ênêc êwiñj, tañ ênam ôli ajôñ nanj atom. <sup>7</sup> Eñ êkônij ñac teñ atom ma êngaminj ñac teñ nê kamaclauñ atom. Eñ ênam genjenj atom. Eñ êkêñj mo êndêñj lau, tañ mo êjô êsêac nanj, sêniñj to êkêñj ñakwê êndêñj lau toôlinj ñaôma sêsô. <sup>8</sup> Eñ êkêñj mone êndêñj lau, mago taê êka ñalakac atom ma eñ êka jaê mone êlêlêc su atom amboac tonañgenj. Eñ êñgôm sec atom ma êmêtôc launêñj biñ naêndêñgenj. <sup>9</sup> Eñ êsa nê lêñ êtôm ñoc jatu ma ejop ñoc biñsu ñapepjenj. Ñac amboac tonañ eñ ñac gêdêñj ma êmoa mata jali. Apômtau Anôtô né biñ tau tonañ.

<sup>10</sup> “Ma latu, tañ ñac amboac tonañ êka lasê nanj, êjanjo gêñ su ma ênac ñamalac êndu ma êsa tamanê lêñ gêdêñj atom, <sup>11</sup> eñ êniñj gêñ anja anôtôi jaba nêñ gamêñj ñabau ma êñgôm gêñ mockaiñña êndêñj nê ñac jabanj eñ nê awê, <sup>12</sup> ma êkônij lau ñalêlôm sawa to lau sêpô lêna tauñña ma ênam genjenj gêñ to êngaminj kamaclauñ ma êôc mataanô sa êndêñj gwam to êñgôm gêñ alôb-alôb, <sup>13</sup> êkêñj mone êndêñj lau ma taê êka ñalakac to êka jaê mone êlêlêc su, oc êmoa mata jali me masi. Masianô. Eñ gêgôm gêñ alôb-alôb samob tonañ, amboac tonañ eñ êmac

êndu, ma oc êwê eñ tau êmac êndu ñakainj.

14 “Ma latu tanj ñac tau tonanj êka lasê nanj, êlic sec samob, tanj tama gêgôm nanj, ma êtakê to êngôm gêñ samob tonanj atom, 15 eñ êniñ gêñ anja anôtôi jaba nêñ gamêñ ñabau to êoc mataanô sa êndêñ Israelnêñ gwam atom ma êngôm gêñ mockainja êndêñ nê ñac jabanj eñ nê awê atom. 16 Eñ êkônij lau to êjatu kamaclauñ ma êjanjo gêñ atom, mago êkêñ mo êndêñ lau, tanj mo êjô êsêac nanj, sêniñ ma êkêñ ñakwê êndêñ lau toôlij ñaôma sêsô. 17 Eñ ejop lêma gebe êngôm gêñ eso atom ma êkêñ mone êndêñ lau, mago taê êka ñalakac to êka jaê mone êlêlêc su atom. Eñ ejop ñoc jatu to êsa nê lêñ êtôm ñoc biñsu, oc êmac êndu atom, eñ êmoa mata jali biñjanôgenj. 18 Tagenj ñac tau tama, tanj gêgôm gêñ ñaclai sec to kêjanjo launêñ gêñ ma gêgôm gêñ ñajam gêdêñ nê lau nanj atom, oc êmac êndu êtu nê secña.

19 “Ma amac atu kênac gebe ‘Latu êoc ñandanj êtu tamanê secña atom êtu asagenja.’ Latu kêsap biñsu tôñ to têtac gêwiñ biñgêdêñ ma gejob ñoc jatu samob ñañêngeñ, tec eñ êmoa mata jali biñjanôgenj. 20 Ñac tanj gêgôm sec nanj, êmac êndu. Latu êoc ñandanj êtu tamanê secña atom ma tama êoc ñandanj êtu latunê secña atom. Ñac gêdêñ êtap nê ñagêjô ñajam sa ma ñac sec êtap ñagêjô sec sa êtu nê secña.

21 “Mago ñac sec tenj embe êkac tau su anja nê sec samob, tanj eñ gêgôm nanj, ma ejop ñoc jatu samob ma êsap ñoc biñsu tôñ ma têtac êwiñ biñgêdêñ, nanj êmoa mata jali biñjanôgenj. Eñ êmac êndu atom. 22 Anôtô oc taê ênam nê sec, tanj eñ gêgôm nanj, êtiam atom. Eñ êmoa mata jali êtu biñgêdêñ, tanj eñ gêgôm nanja.” 23 Apômtau Anôtô kêsôm gebe

“Amac abe ñac sec tej embe êmac êndu, oc jalic ñajam me. Masianô. Aê têtac gêwiñ gebe jalic eñ ênam tau ôkwi ma êmoa mata jali.

<sup>24</sup> “Mago ñac gêdêñ tej embe êwi nê lêñ gêdêñ siñ ma êngôm sec to êngôm gêñ alôb-alôb, tañ ñac sec gêgôm nañ, oc êmoa mata jali me masi. Masianô. Anôtô taê ênam ênê biñgêdêñ, tañ eñ gêgôm nañ, ñatenñ atom. Eñ êmac êndu gebe eñ kêgêli biñsu ma gêgôm sec.

<sup>25</sup> “Mago amac asôm gebe ‘Anôtônê lêñ jagêdêñ atom.’ Amac lau Israel, akêñ tañem aê acgom. Ñoc lêñ jagêdêñ atom me. Amac taôm nêñ lêñ tonañ jagêdêñ atom. <sup>26</sup> Ñac gêdêñ tej embe êkac tau su aña biñgêdêñ ma êngôm sec, e êmac êndu. Eñ êmac êndu êtu sec, tañ eñ gêgôm nañña. <sup>27</sup> Ma ñac sec tej embe êkac tau su aña sec, tañ eñ gêgôm nañ, ma êsap biñsu tôn to têtac êwiñ biñgêdêñ, go ênam katu kêsi. <sup>28</sup> Eñ gêjam tau ôkwi aña nê sec samob, tañ gêgôm nañ, tec êmoa mata jali ma êmac êndu atom. <sup>29</sup> Mago lau Israel sêsôm gebe ‘Apômtaunê lêñ jagêdêñ atom.’ O lau Israel, amboac ondoc. Aêñoc lêñ jagêdêñ atom me. Aê gabe amacnêñ lêñ jagêdêñ atom.

<sup>30</sup> “O lau Israel, kêtú biñ tonañña aê gabe jamêtôc amac samob êndêñ-êndêñgeñ êtôm nêñ lêñ. Apômtaunê biñ tau tonañ. Amac embe ambu taôm to anam taôm ôkwi aña nêñ keso atom, oc anaña êtu nêñ secña. <sup>31</sup> Ambaliñ nêñ sec samob, tañ agôm gêdêñ aê nañ, siñ ma amansañ nêñ ñalêlôm to nêñ katôm êtu wakuc. O lau Israel, amac abe amac êndu êtu agenña.” <sup>32</sup> Apômtau kêsôm gebe “Ñac tej embe êmac êndu, oc jalic ñajam

atom. Amboac tonañ anam taôm ôkwi gebe amoa matem jali.”

19:1–32:32 Jaen ñagêdô, tañ kêsôm lasê gebe Anôtô êmêtôc nê lau nañ, ma ñagêdô, tañ kêkanôñ lau jaba, tañ sêngôñ sêsi Judawaga nañ, kêsêp môkêlatu tonec.

## 33

### *Apômtau kêkêñ Esekiel kêtú dibwaga teñ*

<sup>1</sup> Apômtau kêsôm gêdêñ aê gebe <sup>2</sup> “o ñamalac latu, ôsôm êndêñ nê lau gêñ, tañ ñanô êsa êndêñ noc, tañ jakêñ siñ êsa gamêñ êmêñ. Lau gamêñ tonañña sêjaliñ nêñ teñ sa êtu dibwaga. <sup>3</sup> Eñ embe êlic ñacjo tédabiñ, nañ eñ ênac dauc êtañ gebe êkêñ puc lau samob. <sup>4</sup> Embe teñ êñô, mago êkêñ taña atom e ñacjo êô lasê ma ênac eñ êndu, go eñ tau êwê kain êmac êndu ñatôp. <sup>5</sup> Eñ êmac êndu ñatôp ênêc eñ taña gebe eñ kêkêñ taña puc atom. Embe eñ êkêñ taña oc moac eñ êtôm gebe êc siñ su. <sup>6</sup> Mago dibwaga embe êlic ñacjo sêmêñ ma ênac dauc êtañ atom ma êkêñ puc lau atom e ñacjo sêô lasê ma sênac ñac teñ êndu, oc ñac tau ênaña êtu nê secña, mago dibwaga êwê ênê dec ñakaiñ.

<sup>7</sup> “O ñamalac latu, aê jakêñ aôm ôtu lau Israel nêñ dibwaga. Êndêñ tañ ôñô biñ teñ anña aêñoc nañ, ôkêñ puc êsêac ônam aê lanôc. <sup>8</sup> Aê embe jasôm êndêñ ñac sec gebe Aôm ômac êndu, mago aôm embe ôkêñ puc eñ gebe ênam nê lêñ ôkwi gebe êmoa mata jali nañ atom, go eñ oc êmac êndu êtu nê secña, mago aôm ôwê ênê dec ñakaiñ. <sup>9</sup> Mago aôm embe ôkêñ puc ñac sec ma eñ ênam tau ôkwi anña nê sec

atom, oc êmac êndu êtu nê secņa, mago aôm gôjam taôm katôm kêsi.

*Lau sêwê nêj biņ ģakainj êndêj-êndêjgeņ*

<sup>10</sup> “Ma aôm ņamalac latu, ôsôm êndêj lau Israel biņ tau, taņ êsêac sêsôm naņ gebe ‘Gêņ sec to geo, taņ aêac agôm naņ, kêkôniņ aêac tôņ e abêlê. Aêac amoa maten jali amboac ondoc.’ <sup>11</sup> Aôm ôsôm êndêj êsêac gebe Apômtau Anôtô kêsôm gebe Aê gamoa matoc jali biņģanôgeņ, tec jasôm êtu tôņ gebe ņac sec teņ embe êmac êndu, oc aê têtac ņajam atom. ņac sec teņ embe ênam tau ôkwi to êmoa mata jali, aê oc têtac ņajam êsa. O lau Israel, anam taôm ôkwimaņ, amac abe amac êndu êtu agenņa.

<sup>12</sup> “Ma aôm, ņamalac latu, ôsôm êndêj nêm lau gebe ņac gêdêj embe êņgêli biņsu, go êna lêj gêdêj ênam eņ kêsi atom. Ma ņac sec embe êwi nê sec siņ, go nê sec êku eņ tulu ênaņa atom. ņac gêdêj, taņ êņgôm sec naņ, oc êmoa mata jali atom. <sup>13</sup> Aê embe jasôm êndêj ņac gêdêj gebe êmoa mata jali ma eņ taê êka nê lêj gêdêj e êņgôm sec, go aê taêc ênam ênê lêj gêdêj teņ êtiam atom ma eņ êmac êndu êtu nê secņa. <sup>14</sup> Ma teņ. Aê embe jasôm êndêj ņac sec gebe amac êndu biņģanôgeņ, mago eņ embe ênam tau ôkwi aņga nê lêj sec ma ejop ņoc jatu to êsap biņsu tôņ <sup>15</sup> ma êņgaminj kamaclauņ atom to êjô gêj, taņ kêjaņgo su naņ, ma êņgôm biņsu, taņ kêtũ aņgôn matem jali ņam naņ, ņanô êsa to êņgôm sec atom, naņ êmoa mata jali biņģanôgeņ, eņ êmac êndu atom. <sup>16</sup> Aê oc taêc ênam ênê sec, taņ gêgôm naņ, ņatenj êtiam atom. Eņ gejob ņoc jatu to kêsap biņsu tôņ, tec êmoa mata jali biņģanôgeņ.

17 “Ma nê m lau sêsôm gebe ‘Apômtaunê lêt jagêdêt atom.’ Mago aê gabe êsêacnêt lêt jagêdêt atom. 18 Nac gêdêt embe êwi nê lêt gêdêt sin ma êngôm sec, oc êmac êndu êtu tonan̄a. 19 Ma nac sec embe êwi nê sec sin ma ejop ñoc jatu to êsap bin̄su têt, oc êmoa mata jali êtu tonan̄a. 20 Mago amac asôm gebe ‘Apômtaunê lêt jagêdêt atom.’ O lau Israel, aê oc jamêtôc amac samob êtôm nê m lêt êndêt-êndêtgen̄.”

### *Nawae gebe Jerusalem ênan̄a*

21 Gêdêt jala kêt 12, tan̄ aêac an̄gêt kapoacwalô nan̄, ñaajôn̄ kêt 10 ñabêc 5 nac ten̄, tan̄ gêt sin̄ an̄ga Jerusalem gêmêt nan̄, mêtngêô lasê aê ma kêsôm gebe “Êsêac sêku malac tulu.” 22 Gêdêt kêtula, tan̄ gêmun̄ bêt nac tau gêô lasêna nan̄, Apômtau lêma gêsac aê ma en̄ kêtêt imbeloc kêt golon̄ gêdêt bêt, tan̄ nac tau gêô lasê nan̄, ma aê aocmê kêsê kêtiam atom.

### *Launêt sec*

23 Apômtau kêsôm bin̄ gêdêt aê gebe 24 “O ñamalac latu, lau tan̄ sêtngêt malac ñapopoc an̄ga lau Israel nêt gamêt nan̄, sêsôm gebe ‘Abraham en̄ nac tagen̄ ma Anôtô kêtêt gamêt samucgen̄ gêdêt en̄. Mago aêac lau taêsam, tec galoc gamêt tau kêt aêacnêt gêtngac.’

25 “Amboac tonan̄ ôsôm êndêt êsêac gebe Apômtau kêsôm gebe Aôm goen̄ dec gêtwin̄ ñamêsôm tau. Aôm gêtjam sakin̄ gwam. Aôm gêtjac lau êndu. Asagen̄ kêtêt aôm taêm gêtjam gebe gamêt tau kêt amacnê. 26 Aôm taêm kêka nê m sin̄. Amac agôm gêt alôb-alôb. Amac agôm mockain̄ gêdêt nê m lau

wacbaŋ amac nêŋ lauo. Asageŋ kêkêŋ amac taêm gêjam gebe gamêŋ tau kêtû amacnêm.

<sup>27</sup> “Ôsôm êndêŋ êsêac gebe Apômtau kêsôm biŋ tonec gebe Aê gamoa matoc jali biŋŋanôgeŋ, tec jasôm êtu tôŋ gebe lau, taŋ sêŋgôŋ malac ŋapopoc naŋ, lau oc sênac êsêac êndu. Êsêac taŋ sêŋgôŋ gamêŋ ŋamagêŋa naŋ, bôcbôm oc sêndaŋgôŋ êsêac. Êsêac taŋ sêŋgôŋ malac ŋajaŋa me pocgêsuŋ naŋ, gêmac sec oc êŋgôm êsêac e sênaŋa. <sup>28</sup> Aê gabe jaŋgôm gamêŋ êtu gasaŋ. Nêŋ ŋaclai, taŋ êsêac tetoc tauŋ sa kêpi naŋ, oc êmbacné. Ma gamêŋ Israel ŋalôc oc êtu gamêŋ sawa e ŋac teŋ êtôm gebe êsa lôc ŋaintêna êtiam atom. <sup>29</sup> Êndêŋ taŋ aê jaŋgôm gamêŋ êtu gasaŋ êtu sêgôm gêŋ alôb-alôb naŋŋa, êsêac oc sêjala gebe aê Apômtau tau.”

### *Jaŋ taŋ propete kêsôm naŋ ŋanô*

<sup>30</sup> “O ŋamalac latu, nêŋ lau sêsôm biŋ kêpi aôm sêkô tunbôm ŋagala to andu ŋasacgêdô. Êsêac sêsôm gêdêŋ tauŋ gebe ‘Ajôc, tawac ma taŋô biŋ, taŋ galoc gêmêŋ aŋga Apômtaunê naŋ.’ <sup>31</sup> Amboac tonaj lau sêliŋ tauŋ japaŋ-japaŋ amboac lau sêgôm-sêgôm ma ŋoc lau sêŋgôŋ sic sêŋgôŋ aôm laŋômnêmŋa to sêŋô nêŋ biŋ, mago sêŋgôm ŋanô êsa atom gebe biŋdansaŋ gêc êsêac awêŋsuŋ ma nêŋ ŋalêlôm gêgôm mocsac awageŋ. <sup>32</sup> Ma êsêac sêlic aôm amboac ŋac, taŋ gêjam wê têtac gêwiŋŋa ŋajamgeŋ to gêjac gêŋ wêŋa naŋ. Êsêac sêŋô aômnêm biŋ samob, mago sêŋgôm ŋateŋ ŋanô êsa atomanô. <sup>33</sup> Ma êndêŋ naŋ nêŋ biŋ ŋanô êsa-ma oc ŋanô êsa biŋŋanôgeŋ-gocgo sêjala gebe propete teŋ gêmoa êsêac ŋalêlôm.”

\* êndêñ ñamu (Ep 1:14) † ñabelo gebe eñ oc taê ênam nê tôp tonañ. ‡ êtiam.

## 34

### *Lau Israel nêñ gejobwaga*

<sup>1</sup> Apômtau kêsôm biñ tonec gêdêñ aê gebe <sup>2</sup> “O ñamalac latu, oc biñ lasê êkanônñ lau Israel nêñ gejobwaga. Oc biñ lasê ma ôsôm êndêñ êsêac gebe Apômtau Anôtô kêsôm biñ tonec gebe Ojae, amac gejobwaga Israelña, amac ajop taômgenñ. Gejobwaganêñ kôm gebe sejop domba nec atom me. <sup>3</sup> Amac aenñ ñalêsi to asô ñakwê, tañ awa ña domba ñaôlilu ma abuc domba ñajam to aenñ ñamêsôm tau, mago amac alôm domba tau atom. <sup>4</sup> Amac apuc gêñ palêpalê tôñ atom to agôm êsêac, tañ gêmac gêgôm êsêac nañ, ôlinñ ñajam kêsa atom. Amac asabanñ êsêacnêñ kamoc atom ma ajonñ êsêac, tañ seo sic nañ, sa ma awê êsêac sêmu sêmêñ atom to asom êsêac, tañ sêjaña nañ, atom amboac tonanñenñ <sup>5</sup> Tec lau sêjac domba tau salinñ-salinñ e têtú bôcbôm samob nêñ gwada gebe nêñ gejobwaga masi. <sup>6</sup> Êsêac sêjac ñoc domba salinñ-salinñ e seo sic sêmoa lôc to gamêñ ñabau samob. Êsêac sêjac ñoc domba salinñ-salinñ e sêjam nom ñagamêñ samob auc. Ma ñac teñ gêjam jaom êsêac to gesom êsêac atom.

<sup>7</sup> “Amac gejobwaga, galoc anô biñ, tañ aê Apômtau gabe jasôm êndêñ amac nañ acgom. <sup>8</sup> Aê gamoa matoc jali biññanônñenñ, tec jasôm êtu tôñ

\* **33:33:** Kamaclauñ: 1. kêtú ñabelo gebe tatap ñanô tau sa

† **33:33:** 2. ñac teñ embe ênam tôp teñ, go êkêñ gêñ teñ êtu

‡ **33:33:** Malôgenñ embe ênac tôp tonañ, go êtap nê gêñ tau sa



gebe Aênoc domba têtû bôcbôm nêñ gwada ma bôcbôm samob señ noc domba kêtû êsêacnêñ mo gebe domba nêñ gejobwaga masi. Aênoc gejobwaga sesom noc domba atom. Gejobwaga sêlôm taunğen ma sêlôm noc domba atom. <sup>9</sup> Kêtû biñ tonañ ñaiña amac gejobwaga akêñ tañem noc biñ acgom. <sup>10</sup> Aê Apômtau Anôtô jasôm lasê gebe aê oc jakalem gejobwaga gebe sêwa nêñ biñ sa. Aê oc jaka jaê noc domba anğa êsêacnêñ ma janac jao gebe sejob noc domba êtiam. Ma gejobwaga sejob taunğ êtiam atom amboac tonanğen. Ma aê gabe janam noc domba kêsi anğa êsêacnêñ awenşun e têtû êsêacnêñ gwada atom.”

### *Nacgejob ñajam*

<sup>11</sup> “Aê Apômtau Anôtô jasôm êndên amac gebe aê taucgen gabe jansom noc domba ma jajop êsêac. <sup>12</sup> Aê gabe jajop êsêac êtôm nacgejob gêjam jaom nê domba, tañ lau sêjac salin-salin sêmoa gamên samob nañ. Aê gabe janam noc domba kêsi anğa gamên samob, tañ lau sêjac êsêac salin-salin gêdên ômbin to ñakesec kêkôm gamên auc nañ. <sup>13</sup> Aê gabe jakôc êsêac su anğa gamên jaba tau ma jajon êsêac sa to jawê êsêac sêmu dêndên taunğ nêñ gamên sêmên êtiam. Aê oc jalôm êsêac anğa lôc to gaboanğ Israelña ma anğa gamên tau ñamala ñajamanô. <sup>14</sup> Aê gabe jalôm êsêac ña gêgwanğ ñajam ma êsêac sêninğ gêgwanğ tau anğa Israel ñalôc. Anğa tônê êsêac sêlêwanğ taunğ anğa gamên wale-wale ma sêninğ gêgwanğ ñajamanô anğa Israel ñagamên. <sup>15</sup> Aê taucgen gabe jatu noc domba nêñ gejobwaga ma gabe jatap gamên sêlêwanğ taunğna teñ sa êtu êsêacña. Aê, Apômtau Anôtô tauc kasôm biñ tonañ.

16 “Aê gabe jansom êsêac, tañ sêjaña nañ, ma jajoñ êsêac, tañ seo sic nañ, sa to jawê êsêac sêmu sêmêñ ma jansambañ êsêacnêñ kamoc to jangôm êsêac, tañ gêmac gêgôm êsêac nañ, ôliñ ñajam êsa, mago onañ, tañ toñalêsi ma toôliñwalô nañ, aê oc jansen su. Aê oc jatu êsêacnêñ ñacgejob gêdêñ tau.

17 “O ñoc domba, amboac tonañ aê, Apômtau Anôtô jasôm êndêñ amac gebe Aê gabe jamêtôc domba êndêñ-êndêñgeñ ma jawa domba kapoac to noniñ kapoac êkôc. 18 Amboac ondoc amac ñagêdô aen gêgwan ñajamanôgeñ jakêtôm atom, tec amac aka gêñ, tañ amac aniñ atom nañ, popoc nec. Amac anôm bu ñakêñkêñ, tec agôm onañ, tañ amac anôm atom nañ, ñamôp kêsa. 19 Ma aêñoc domba ñagêdô oc sêniñ gêgwan, tañ amac aka popoc nañ, ma sênôm bu, tañ amac agôm ñamôp kêsa nañ.

20 “Amboac tonañ aê, Apômtau Anôtô jasôm êndêñ amac gebe Aê tauc jamêtôc amac domba, tañ atôp e ñatêku masi nañ, to amac, tañ ôliñ ñasañ nañ. 21 Amac alêsuc domba palê-palê to asap êsêac ña nêñ jabo e atiñ êsêac su anga toñ ñalêlôm. 22 Mago aê oc janam ñoc domba kêsi. Êsêac têtû nêñ gwada êtiam atom. Aê oc jamêtôc domba samob êndêñ-êndêñgeñ. 23 Aê oc jakêñ ñoc sakiñwaga Dawid êtu êsêacnêñ gejobwaga. Eñ oc êlôm êsêac ma êtu nêñ ñacgejob ñanô. 24 Aê Apômtau tauc gabe jatu êsêacnêñ Anôtô ma ñoc sakiñwaga Dawid êtu êsêacnêñ gôliñwaga. Aê, Apômtau kasôm biñ tonañ. 25 Aê gabe jamoatiñ poac wamaña êndêñ êsêac ma jansoc bôcbôm sêwi nêñ gamêñ siñ, go ñoc domba sêngôn ñajamgeñ anga oba ma sênêc bêc anga salen.

<sup>26</sup> “Aê gabe janam mec êsêac to gamêḡ, taḡ kēḡ ḡoc lôc dabuḡ auc naḡ, ma jakêḡ kom ênac êndêḡ ḡanoc solop. Kom tau oc êmoasiḡ nom. <sup>27</sup> Ka kômḡa ênam ḡanô ma nom êkêḡ ḡêḡ êpi ḡajamḡeḡ ma lau oc sêmoa ḡajam aḡga taḡ ḡêḡ nom. Ma aê embe jamô ḡoc launêḡ kapoacwalô êḡḡic ma jajaḡgo êsêac su aḡga lau, taḡ sêkônḡiḡ êsêac tôḡ lemeḡ e sêmoa ḡêḡ taḡḡa naḡgo sêjala gebe aê Apômtaugoc. <sup>28</sup> Lau tentenlatu oc sêjaḡgo êsêac êtiam atom ma gamêḡ ḡabôcbôm oc sêndaḡḡoḡ êsêac êtiam atom amboac tonanḡeḡ. Êsêac oc sêmoa ḡajam ma teḡ êtakê êsêac atom. <sup>29</sup> Aê oc jasê êsêacnêḡ kôm moasiḡḡa gebe mo êjô êsêac êndu aḡga gamêḡ tau êtiam atom. <sup>30</sup> Ma êsêac samob oc sêjala gebe aê, Apômtau Anôtô jamoa jawiḡ êsêac ma lau Israel têtú aêḡoc lau. Aê Apômtau Anôtô, kasôm biḡ tau tonanḡ.

<sup>31</sup> “ḡoc domba amac, ḡoc domba ḡatonḡ, taḡ aê galôm naḡ, atu ḡoc lau. Ma amacnêḡ Anôtô aê. Apômtau Anôtô kêsôm biḡ tau tonanḡ.”

**35:1–36:21 Propete geoc biḡ lasê kêkanôḡ gamêḡ Edomḡa ma kêsôm lasê gebe lau Israel sêmu sêna nêḡ malacmôkê êtiam.**

## 36

### *Lau Israel sêmoa ḡajam êtiam*

<sup>22</sup> “Amboac tonanḡ ôsôm êndêḡ lau Israel gebe Apômtau Anôtô kêsôm biḡ tonec gebe O lau Israel, ḡêḡ taḡ aê jaḡḡôm naḡ, aê jaḡḡôm êtu amacḡa atom, aê jaḡḡôm êtu aêḡoc ḡaê dabuḡḡa, taḡ amac aḡôm kêtú sec aḡga lau samob, taḡ amac aô lasê êsêac naḡḡa. <sup>23</sup> Aê oc jawaka ḡoc ḡaê towae ḡadabuḡanô sa. ḡoc ḡaê kêtú sec aḡga tentenlatunêḡ,

amac agôm ñoc ñaê kêtú sec. Ma tentenlatu sêjala gebe Apômtau aê. Aê Apômtau Anôtô kasôm biñ. Aê oc jawaka tauc sa êpi amac gebe aê dabuñ. <sup>24</sup> Aê gabe jakôc amac su anğa tentenlatunêñ ma jajon amac sa anğa gamêñ samob ma jawê amac amu andêñ taôm nêñ gamêñ ana êtiam. <sup>25</sup> Aê jansanem bu ñawa êpi amac e atu selec. Aê jakwasin nêñ ñatêmui to nêñ sakin gwamña su ênaña. <sup>26</sup> Aê gabe jakêñ ñalêlôm wakuc teñ êndêñ amac. Aê gabe jakôc nêñ ñalêlôm ñadani su ma jakêñ ñalêlôm biñmalôña êndêñ amac. <sup>27</sup> Aê oc jakêñ ñoc ñalau êsêp amacnêñ ñalêlôm ma jajop gebe amac andanğuc ñoc biñsu ma anğôm jatu samob, tañ kakêñ gêdêñ amac nañ, ñanô êsa. <sup>28</sup> Go amac oc anğôñ gamêñ, tañ kakêñ gêdêñ amacnêñ mimi nañ. Amac atu aêñoc lau ma amacnêñ Anôtô aê. <sup>29</sup> Aê gabe janam amac kêsi anğa nêñ ñatêmui samob. Aê gabe jajatu nom gebe êkêñ ñanô taêsam gebe aoc tóbôm êtiam atom. <sup>30</sup> Aê gabe jakêñ ka ênam ñanô to kôm ênam ñanô êtu taêsam gebe tóbôm, tañ êngôm waem sec anğa tentenlatunêñ nañ, teñ êsa êtiam atom, <sup>31</sup> go amac taêm ênam nêñ lêñ alôb-alôb, tañ asa nañ, to nêñ sec, tañ agôm nañ, ma majem taôm êtu nêñ sec to geonja. <sup>32</sup> O lau Israel, ajalamañ gebe aê janğôm gêñ tonañ ñai êtu amacña atom. Majem to así taôm êtu nêñ lêñña. Aê Apômtau Anôtô kasôm biñ tonañ.”

<sup>33</sup> Apômtau Anôtô kêsôm gebe “Êndêñ bêc, tañ jakwasin amacnêñ sec samob su atu selec nañ, aê jakêñ amac anğôñ nêñ malac ma akwê nêñ andu ñapopoc sa êtiam. <sup>34</sup> Ma jakêñ amac awaka gamêñ, tañ lau tê sêwê sêja sêmêñ nê, sêlic amboac gamêñ

sawa nan, sa êtiam. <sup>35</sup> Ma lau oc sêsôm gebe ‘Gamên tonan kêtû gasan ma galoc talic amboac kôm Eden. Ma malac, tan kêtû tuc to sawa ma sesen popoc nan, galoc lau sêngôn ma sêkwê tunbôm sa kêtiam.’

<sup>36</sup> Go lau tentenlatu, tan sêngôn sêngi amac auc nan, sêjala gebe aê, Apômtau kakwê malac popoc sa ma kasê mo kêsêp gamên gasan kêtiam. Aê Apômtau gajac mata bin tonan ma aê oc janôm nanô êsa.”

<sup>37</sup> Apômtau Anôtô kêsôm bin tonec gebe “Aê gabe jakên lau Israel teten aê gebe janam êsêac sa êtu gên tenja êwin gebe jakên êsêacnên namba êtu kapôn amboac domba naton ten. <sup>38</sup> Lau toton-toton sênam malac, tan galoc kêtû tuc nan, auc amboac domba danja sêjam Jerusalem auc gêdên tēm omsêganja. Êndên tonan êsêac sêjala gebe Apômtau aê.”

## 37

### *Gaboan natakwa nakelenja*

<sup>1</sup> Apômtaunê lêma gêsac aê ma Apômtaunê Nalau kêkôc aê ma ketoc aê kakô gaboan, tan natakwa gêjam nom auc samucgen. <sup>2</sup> Ma en gêwê aê kasêlên gaboan tonan samucgen ma aê galic gebe natakwa taêsam nasec gêjam gaboan tonan auc ma natakwa tau nakelen lanngagen. <sup>3</sup> En kêsôm gêdên aê gebe “O namalac latu, natakwa tonec oc êtôm gebe mater jali êsa êtiam me masi.”

Ma aê gajô en gajô en awa gebe “O Apômtau, noc Anôtô, aôm taômgen tec kôjala bin tonan.”

<sup>4</sup> En kêsôm gebe “Oc bin lasê êndên natakwa tau ma ôsôm êndên êsêac gebe O natakwa nakelen, akên tanem Apômtaunê bin. <sup>5</sup> Apômtau Anôtô kêsôm bin

tonec gédêñ ñatêkwa gebe Alic acgom, aê oc jaju aocjaô êsêp nêñ ñalêlôm, go matem jali êsa êtiam. <sup>6</sup> Aê oc jakêñ ñakalôc to ñamêsôm êndêñ amac ma jakwa amac auc ña ñaôlic. Aê gabe jaju aocjaô êsêp amacnêñ ñalêlôm ma jakêñ amac matem jali êsa. Go amac ajala gebe aê Apômtau tau.”

<sup>7</sup> Amboac tonañ aê gaoc biñ lasê kêtôm Apômtau kajatu aê. Ma gédêñ tañ gaoc biñ lasê nañ, ganô ñakicsêa amboac gegob kêtañ ma galic ñatêkwa sêjac têku taun ma sêlinj taun japan-japan ma sêjac têku taun. <sup>8</sup> Gédêñ tañ kapuc matoc tôn gêñ tau nañ, ñakalôc to ñamêsôm ma ñaôlic gêjac têc ñatêkwa auc, mago awajaô kêsêp ôlinj atom tagen.

<sup>9</sup> Go Apômtau kêsôm gédêñ aê gebe “O ñamalac latu, oc biñ lasê êndêñ ñalau. Ôsôm êndêñ ñalau gebe O awajaô, ômôên anga nom makeñ-makeñ samob ma ôju êsêp ñacmatê tonec gebe matem jali êsa.”

<sup>10</sup> Amboac tonañ aê gaoc biñ lasê kêtôm eñ kêjatu aê. Ma awajaô jakêsêp ñacmatê e matem jali kêsã ma dêdi sa jasêkô. Êsêac taêsam ñasec kêtôm sinwaga tonj kapôênãtonj.

<sup>11</sup> Anôtô kêsôm gédêñ aê gebe “O ñamalac latu, lau Israel têtôm ñatêkwa tonañ. Êsêac sêsôm gebe êsêac têtũ kelenj ma nêñ gêñ sêkêñ matemña masi, tec sêbacgac. <sup>12</sup> Amboac tonañ aôm oc biñ lasê ma ôsôm êndêñ êsêac gebe Apômtau kêsôm biñ tonec gebe O ñoc lauace, alic acgom, aê gabe jaña amacnêñ sêô ma jañu amac andi sa ma jakêñ amac amu ana gamênj Israelña êtiam. <sup>13</sup> Êndêñ tañ jaña nêñ sêô ma jañu amac andi sa nañ, ajala gebe aê Apômtau tau. <sup>14</sup> Aê gabe jaju ñoc aocjaô êsêp amacnêñ ñalêlôm ma amac matem jali êsa ma jakêñ amac anğôn nêñ

gamêḡ. Êndêḡ tonanḡ oc ajala gebe Aê Apômtau gajac mata biḡ tonanḡ ma aê oc janḡgôm ḡanô êsa. Aê Apômtau kasôm biḡ tonanḡ.”

*Juda to Israel têtḡ gamêḡ kiḡḡa tagenḡ*

<sup>15</sup> Apômtau kêsôm biḡ tonec gêdêḡ aê kêtiam gebe  
<sup>16</sup> “O ḡamalac latu, ôkôc tôc tenḡ ma oto biḡ tonec êsêḡ gebe ‘Êtu Juda to Israel, taḡ sêsap enḡ tôḡ nanḡḡa.’ Go ôkôc tôc tenḡ êtiam ma oto biḡ tonec êsêḡ gebe ‘Êtu Josep to lau Israel samob, taḡ sêsap enḡ tôḡ nanḡḡa.’ <sup>17</sup> Gocgo ômêḡgôm tôc luagêc tonanḡ e ḡatêku êndiḡ tau gebe talic amboac gêḡ tagenḡ.  
<sup>18</sup> Ma nêḡ lau embe sêsôm gebe ‘Ôwa gêḡ tonanḡ ḡam sa,’ <sup>19</sup> go ôsôm êndêḡ êsêac gebe Apômtau Anôtô kêsôm biḡ tonec gebe Aê gabe jakôc Josep nê tôc, taḡ kêsêḡ Epraim lêma nanḡ, to gôlôac Israel, taḡ sêsap enḡ tôḡ nanḡ, nêḡ ma janac têtḡ ḡa Judanê tôc e têtḡ tôc tagenḡ, taḡ jamêḡgôm êsêḡ aê lemoc.

<sup>20</sup> “Ômêḡgôm ka luagêc, taḡ koto biḡ kêsêḡ nanḡ, tôḡ ḡa lêmam ma ôtôc lau sêlic. <sup>21</sup> Go ôsôm êndêḡ êsêac gebe Apômtau Anôtô kêsôm biḡ tonec gebe Alic acgom, aê gabe jakôc lau Israel sa anḡa ten-tenḡlatunêḡ ma jajoḡ êsêac sa anḡa gamêḡ samob ma jakêḡ êsêac sêmu dêndêḡ êsêac taunḡ nêḡ gamêḡ sêna. <sup>22</sup> Aê gabe jakêḡ êsêac têtḡ lau toḡ tagenḡ anḡa Israel ḡagamêḡ lôcḡa. Êsêacnêḡ kiḡ tagenḡ ênam gôliḡ êsêac ma êsêac sêwa taunḡ êkôc têtḡ lau toḡ luagêc me têtḡ gamêḡ kiḡḡa luagêc êtiam atom.  
<sup>23</sup> Êsêac sêḡgôm taunḡ ḡatêmui êsa ḡa nêḡ gwam to gêḡ alôb-alôb kaiḡ tenḡ ma nêḡ sec tokaiḡ-tokaiḡ êtiam atom. Aê gabe janam êsêac kêsi anḡa nêḡ lêḡ sêgêli biḡsu to sêgôm secḡa ma jakwasinḡ êsêac têtḡ

selec. Ma êsêac têtû ñoc lau ma aê jatu nêj Anôtô.  
<sup>24</sup> Kin tenj amboac ñoc sakinwaga Dawid ênam gôlinj êsêac ma ñacejob tagenj ejop êsêac samob. Êsêac tanenj wamu ñoc jatu to sejop ñoc binjsu ñapepgej.  
<sup>25</sup> Êsêac oc sêngônj gamêj, tanj kakêj gêdêj ñoc sakinwaga Jakob nanj, êsêac sêngônj nom, tanj nêj mimi sêwê kainj nanj. Êsêac to nêj gôlôac to nêj gôlôac nêj wakuc samob sêngônj gamêj tonanj endenj tôngej. Ma kin tenj amboac ñoc sakinwaga Dawid oc ênam gôlinj êsêac endenj tôngej. <sup>26</sup> Aê gabe jamoatinj poac wamaña tenj êndêj êsêac. Poac tau ênêc êsêacña endenj tôngej. Aê gabe janam mec êsêac to jakêj êsêac têtû taêsam ma jakêj ñoc lôm dabunj êkô êsêac ñaluñ endenj tôngej. <sup>27</sup> Aê gabe janjônj êtu têlê jawinj êsêac. Aê gabe jatu êsêacnêj Anôtô ma êsêac têtû aêñoc lau. <sup>28</sup> Embe jatoc ñoc lôm dabunj êkô êsêac ñalêlôm endenj tôngej, go tentenlatu oc sêjala gebe aê Apômtau jakêj Israel têtû lau dabunj.”

38:1–48:35 Apômtaunê jaen tenj kêsôm lasê gebe Israelnêj ñacjo oc sênaña ma Anôtônê lau oc sêngônj nêj malacmôkê têtû wakac êtiam. Môkêlatu ñamuña gêwa lôm dabunj wakuc to ñagêñlêlôm samob, tanj Esekiel gêlic gêdêj tanj katu kainj tenj kêsa nanj sa. Binjsu tanj ênam gôlinj sakinj lôm dabunjña nanj, gêc môkêlatu tonec gêwiñ ma ñagôlinj sênac sam nomña gêc amboac tonanj.

Esranê buku tonec gêjac têku Mintau ñabuku lu-agêc. Lau Juda, tanj sêngônj kapoacwalô anja Babel nanj, nêj ñagêdô sêmu sêja nêj malacmôkê ma sêkwê nêj malac Jerusalem sa to sêwaka sakinj omña sa kêtiam.



Êsêac tédênaŋ miŋ tau kêsêp ŋasêbu têlêac gebe

1. Môkêlatu 1-2 Lau Persia nêŋ kiŋsêga Kirus kêjatu lau Juda nêŋ toŋ ŋamataŋa gebe sêmu sêna nêŋ gamêŋ.

2. Môkêlatu 3-6 Êsêac sêkwê lôm dabuŋ sa kêtiam ma sêjac kawi lôm tau. Su, go sêwaka Anôtônê sakiŋ omŋa sa kêtiam.

3. Môkêlatu 7-10 Jala ŋagêdô gêjaŋa acgom, go Esra gêwê lau Juda nêŋ toŋ teŋ sêô lasê Jerusalem amboac tonanŋ. Esra kêjala Anôtônê biŋsu kêtú tôn eŋ, tec kêmasanŋ lêŋ teŋ gebe lau Juda sêwi nêŋ lauo jaba, taŋ sêjam nanŋ, siŋ gebe sejop lau Israel nêŋ biŋlênsêŋ, taŋ gêjam gôliŋ nêŋ sakiŋ dabuŋ ŋalêŋ nanŋ.

**BIBOLO DABUN**  
**The Holy Bible in the Yabem language of Papua New Guinea**  
**Buk Baibel long tokples Yabem long Niugini**

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

---

PDF generated using Haiola and XeLaTeX on 11 Nov 2022 from source files dated 9 Oct 2020

447e01c5-a375-5452-ae54-b3f890293eeb